

HABARI KUTOKA LIBYA

NCHI ya Libya ni nchi yenye maendeleo ya kisasa na Uislamu wa Kislamu wenye msingi imara za mafunzo ya Dini ya Uislamu. Nchi yenye kuvutia na ustawi mwema.

Haya yameelezwa na Bw. Jaffer Omar ambaye ni hivi majuzi tu tokea kufika huko Sirte, mmoja miongozi mwa miji ya Libya aliochukuliwa kwenda kufanya kazi za ufundi.

Alimwandikia mwakilishi wetu kumweleza kwamba wote wananchi wanaofoka Kenya wanafuraha maisha yao ya Libya na kuwaeleza kwamba wako katika hali ya furaha na utafisi na wale ndugu zao waliowacha Kenya wasitie wastwasi wovote.

Bw. Jaffer Omar ni mzaliwa wa visiwa vya Bajuni na kabla ya kuondoka kwake kuende Libya alikuwa ni mmoja miongozi mwa miji yake kazi katika ile kampuni inayojenga Daraja ya Nyayo.

Ni mvulana mashuhuri katika mtaa wa Ingani na mwenye marifiki wengi nchini Kenya kwa tabia yake njema ya uteshi hi.

Anawaomba marafiki zao wamwandikie barua wakipenda kujua hali ya maisha ya huku zaidi au kutaka kujunga na yeye huko Libya. Anuwani yake ni Jaffer Omar, C.S.C. Cogifair-Camp, P.O. Box 59, Sirte, Libya.

Bw. Jaffer anawaahidi marafiki zake kwamba kila barua atakayopata watawapitia majibu upesi iwezekanavyo.



AKINA MAMA Kenya wanatwaa nafasi muhimu katika shughuli za huko Malindi na kuwa timamu Utalii. Hapa wafanyi kazi akina kutumikia Utalii Kenya.

PICTA: NETA PEAL

Viongozi watoa Risala za Idd ul Fitr Pwani

MWENYEKITI WA Kanu Wilayani Kwale Bw. Ali Masoud Mwakileo alipeleka Salamu zake za Idd el Fitr kwa Waisilamu wote na wananchi wote wa Kenya. Katika risala yake alisema "Waisilamu wamezidi kupata mafunzo zaidi katika mfungo wa wezi mtukufu wa Ramadhani na kwamba wana wajibu kuyatekeleza mafunzo hayo kwa nafsi zao, jamii zao, na taifa lao".

Katibu Mtendaji wa baraza kuu la Waisilamu Sheikh Mohammed Amana katika risala yake alisema "Mafunzo ya dini ya Kiislamu pamoja na mafunzo ya mfungo wa Ramadhani ni msingi wa kutatua kila linalokabili taifa na watu wa Kenya".

Alisema mafunzo ya Ramadhani ni wajibu kutekeleza kikamilifu ili dini ya Mwenyezimungu iweze kusonga mbele. Alitoa salamu zake za kheri kwa Mtukufu Rais Moi, serikali yake na chama kinachotawala cha Kanu.


Aliyekuwa mwenyekiti wa Chama cha Waisilamu Mombasa Bw. Hassanali Mussa Jetha katika risala yake ya Idd alisema "mwaka huu nina furaha zaidi kuona hasa lile jambo tulilokuwa tukilipigania la Kiwanja cha Makadara cha Maonyesho ya Sikukuu kimejereka pale tulipotaka, na hasa kwa furaha na kuwafurahisha watoto wetu ambao ndio viongozi wa siku zijazo". Bwana Jetha alipeleka salamu zake za udhiti kwa Mtukufu Rais Moi, serikali na chama kinachotawala cha Kanu, pamoja na wananchi wote wa Kenya na kuwataka kila heri.

Mwenyekiti wa baraza la chama cha National Union of Kenya Muslims (Nukem) Pwani Sheikh Ali Amin katika risala yake ya Idd alisema "Waisilamu wana shukurani kuu kwa serikali kwa vile wanavyopata nafasi kamili ya kuabudu, na kuwewa Kadhi Mkuu na makadhi kwa lengo la kusimamia sheria za Kiislamu".

Alisema na kutoa mwito kwa Waisilamu kusonga mbele katika mafunzo na utumishi kwa taifa lao la Kenya, na umoja wa Kenya.

Katika risala yake ya baraza ya Idd mjini Mombasa Mwenyekiti wa baraza la Waisilamu Mombasa (Mombasa Muslim Association) Sheikh Ikram Ul Hassan alitoa mkono wa Idd kwa Mtukufu Rais Moi kwa niaba ya Waisilamu wote wa Mombasa, na wananchi wote wa Kenya.

Alisema "mwezi mtukufu wa Ramadhani umetakasa nyoyo za Waisilamu kwa kutikia mafunzo ya Mwenyezimungu na kuwapa nafasi mpya ya kulumikia taifa lao la Kenya chini ya maongozi ya busara ya Nyayo Bw. ul Hassan alimpongeza Mkuu wa Mkoa wa Pwani Bwana Luka Galgalo na kusema "kwa muda mtupi Mkuu mpya wa Pwani ametekeleza mengi, na kwamba umoja wa Muslim Association upo pamoja naye



Bw. Ali Mwasoud Mwakileo, mwenyekiti wa Kanu, Wilaya ya Kwale.



Bw. Hassanali Mussa Jetha, aliyekuwa mwenyekiti wa Muslim Association Mombasa.



Mwenyekiti wa Baraza la Nukem (Pwani) Sheikh Ali Amin

katika kazi yake kubwa". Bwana Ul Hassan alisema "tupo pamoja na serikali ya Kenya chini ya uwongozi wa Mpendwa, Mtukufu Rais Moi katika juhudi za kuondoa idhili, mashaka na mateso ya viumbe, ugonjwa na matatizo yote ya taifa hili, na kwamba Waisilamu wa Mombasa tunamuhakikishia Mtukufu Rais Moi imani yetu kwake, kwa serikali yake na chama kinachotawala cha Kanu".

Alimpongeza Rais Moi na serikali yake kwa vile aliyokabili hali ya upungufu wa bidhaa humu nchini, na kumpa hekkio kwa utumishi wake kwa wananchi wote wa Kenya.

BALOZI WA OMAN AMPONGEZA RAIS MOI

BALOZI wa Oman nchini Kenya Sheikh Abdulla Said Abdulla alipongeza maongozi mema na ya mfano mzuri yanayongozwa na Mtukufu Rais Moi kwa raia wote wa Kenya.

Akihutubia sherehe moja wapo ya kuadhimisha sikukuu ya Idd el Fitr mjini Mombasa, Balози huyo alisema maongozi ya Nyayo ya Mtukufu Rais Moi yamepata sifa katika mataifa yote ya Kiarabu, na ni jambo ambalo limevutia Waarabu wengi kuwa na imani kamili ya taifa hili na maongozi yake.

Alisema "Kenya na Oman ina uhusiano wa karne nyingi sana na kwamba ni lengo la Kiongozi wa Oman H. M. Sultan Qaboos bin Said Al Said kuzidi kuadimisha urafiki huu na ushirikiano kati ya Taifa la Oman na Kenya".

Alifahamisha na kusema "Oman ilijitokeza wazi wazi kushirikiana na wananchi wa Kenya katika kumaliza ukoloni wa Kireno karne kadhaa mjini Mombasa na kwamba leo Oman ipo tayari na timamu kushirikiana na Kenya katika kuleta ushirikiana zaidi katika

mambo ya faida kwa watu wa mataifa yetu mawili".

Alisema "Oman kama taifa changa linaloendelea limeweza kutekeleza mengi kwa maendeleo ya wananchi wake chini ya Maongozi ya busara ya Mtukufu H. M. Sultan Qaboos".

Alisema "maongozi ya Oman chini ya H. M. Qaboos bin Said Al Said ni mfano mkubwa kwa ulimwengu na kwamba juhudi za Rais Moi Kenya nazo pia ni mfano wa taifa changa linavyosonga mbele katika maendeleo, umoja, amani na upendo".



BALOZI WA Oman nchini Kenya Sheikh Abdulla Said (wanne kutoka kushoto) akiwa pamoja na baadhi ya wazee wa Mombasa katika karamu. Wengine kutoka kushoto kwenda kulia ni Sheikh Mohammed Sultan Meskiriy, Sheikh

Mohammed Suleiman Mahruky, Si-zikh Aboq Suleiman Mazruy, Kutoka kulia, wa kwanza Sheikh Mohammed Abed, Sheikh Ali Masoud Riyami, na Sheikh Hamed bin Salim Rawahy.

OKWANYO AWAPONGEZA WAFANYI KAZI WA PIPELINE MOMBASA

WAZIRI wa Mafuta na Nguvu za Viwandani Bw. John Okwanyo ametilia mkazo umuhimu wa kampuni ya Kenya Pipeline na kuwataka wafanyi kazi wazidishe bidii katika kazi yao.

Alisema hayo baada ya ziara ya kutembelea afisi za kampuni hiyo hapa Mombasa akiandamana na Naibu wake Bw. Bakari Kassim Mwamzandi na Katibu wa Kuduma katika Wizara hiyo Bw. Mwiraria.

Anayeshikilia Madaraka ya Mkuunguzi Mkuu wa kampuni hiyo Bw. Otieno alimwambia Waziri kwamba kituo cha Mombasa cha Kenya Pipeline kinafanya kazi usiku mchana ili kusafisha mafuta yote yanayosafishwa bila kuchelewa.

Mapema Waziri alitembeza katika kituo cha



WAZIRI JOHN OKWANYO kusafishia mafuta cha Afrika Mashariki na Meneja wa Shughuli za kikazi wa kampuni hiyo Bw. Simon Obundo pamoja na Bw. David Kayanda Meneja wa Usimamizi wa Watumishi.

Coastweek ** JEMBE



SWAHILI CROSSWORD NO. 91

- KWENDA KULIA:
1. Majaribio
 6. Mwisho
 8. Bembeleza
 9. Baba mdogo
 10. Nyama iliyo ndani ya mfupa
 12. havi moja
 15. Kipindi cha usiku
 17. Sehemu muhimu tumboni
 18. Kumi mara kumi
 20. Aina ya dawa za vidonge
 21. Namna ya maradhi
 22. Rai

- KWENDA CHINI:
1. Aina ya mtu
 2. Wingi wa huyo
 3. ni deni
 4. Kiungo cha ighali
 7. Ufupi wa Salimu
 11. Utomu wa mmea wa mbungu
 13. Panga gutu
 14. Neno la kukataa
 16. Joto, mwako
 19. Umoja wa mataifa



JINA.....
SANDUKI LA POSTA.....

Washindi wa Fumbo la Kujaza Maneno No. 89:

[1] Mohamed Rashid, Sanduku la Posta 64, Malindi,
[2] Mustafa Rizik Faraj, Sanduku la Posta 98876, Mombasa,
[3] Swalah Karama Ali, Sanduku la Posta 80617, Mombasa.

Washindi waombwa wafike afisini mwa COASTWEEK MAJIBU YA SHINDANO LA FUMBO LA KUJAZA MANENO NO. 89 -

KWENDA KULIA:

1. YAVUYAVU, 6. MAMANGU, 7. NJE, 8. NYUFA, 10. AU, 11. BORA, 14. VOI, 15. MBIU, 16. BAKI, 17. LO.

JINA.....

SANDUKI LA POSTA.....

KWENDA CHINI:

1. YAMINI, 2. VUMBWA, 3. YONGA, 4. VIUNGO, 5. NYEZA, 9. FUVA, 11. BIBO, 12. RIKI, 13. MBA.

Washindo watatu wa kwanza kila mmoja atapatwa T-shirt moja ya jembe.

Shindano hili lime-dhaminiwa na COASTWEEK LTD pamoja na ATTA LTD, Mombasa.

Jawabu za fumbo hili lipelekwe kwa Muhatiri, COASTWEEK, Sanduku la Posta 87270, Mombasa, Kenya. Shika ya Alhamisi tarehe 21.8.80 saa sita mchana shindano hili litakuwa mwisho.